

续资治通鉴长编

续资治通鉴长编

續資治通鑑長編卷二百九十一

宋 李燾 撰

神宗

元豐元年八月壬寅朔權荆湖北路轉運判官馬城言
口州已裁定年額公使錢數欲乞造酒所用米麴許前
一年申本司借錢造麴糴米復於次年合破錢數內分
四季剋除先是知荆南吳中復言臣嘗爲御史彈奏今
提舉常平趙鼎父宗道難與共事乞提點王隆觀旣得
旨依所乞而鼎尋奏劾中復公使錢庫違法事遂罷中
復前命及是又詔城總案一道固宜以身徇法倡勵部
官江陵府違法豫借公使旣不卽按治又擅貸與轉運
司錢數千緡今爲趙鼎所發謂當悔罪恐懼以俟典刑

乃敢公無忌憚飾非議外情極阿私理不可恕宜先衝
替令於岳州聽旨及中復前任違法事並令京西轉運
判官胡宗回劾奏 詔五路士兵都虞候換前班人有
功勞者樞密院與差遣替或資闕餘無功勞三班院差
替年滿闕內雖年過六十而精力未衰堪任巡檢駐泊
捉賊差使者樞密院相驗差之 詔廣南西路提點刑
獄司劾轉運司發土丁運糧及以賣不售衣物折軍士
衣賜因依以聞蘇轍論張頴除戶侍不當劄子第二項
運使日有安南般糧夫數千人逃遷以經曲赦放罪每
人只有欠官米錢七百後來頴欲差人往全州般糧遂
召陽朔縣令魏九言臨桂縣令李譚勒令差兩縣逃亡
夫往全州般糧仍令九言取本縣百姓莫飯奴等七人
狀云所欠官錢七百情願往全州般糧填還其七人中
又有三人不係逃亡只取到四人情願狀便差數千人
況欠錢止于七百而全州水路二十餘程豈有情願之
理因此溺殺人不少致人戶經提舉司過狀亦是劉誼

具事由聞奏
方始住差

舒州團練推官崇文院校書中書禮房

習學公事蔡京爲大理評事權檢正禮房公事

此入月一日事

據中書時政記增入

癸卯詔知岷州种諤集蕃官出甬爾溫及羅卜藏對眾
明諭所犯凌遲處死妻女田產並賜包誠子年十五以
上配廣南牢城十四以下聽隨行以所命甬爾溫官回
授格烏補三班奉職賜絹二百匹錦袍銀帶各一結錦
遷兩資賜絹百匹先是熙甯中果莊犯邊境甬爾溫羅
卜藏首率部族叛附果莊及邊事繼息乃來降旣又陰
與董戢果莊合謀諤言恐爲邊患因上董戢果莊所與
書及羅卜藏親書蕃字故有是詔大理寺言知澶州
右諫議大夫韓琦坐所舉駕部郎中俞士龍犯入已贓

當追一官勒停詔免璫勒停以璫嘗應副河事有勞故也

乙巳京西路轉運司言軍賊黃青等正賊不多餘多驅虜乞令所虜百姓婦女等許經村堡或官司自首雖嘗驅率作過並釋罪若捕盜人等見被驅虜之人卽令招呼亦與免罪如敢鬪敵者自令捕殺中書擬依而上批今賊已破散獵取餘黨不難爲力近安撫等司累奏獲首級深慮冒賞小人害及無辜可速指揮如尙有未盡之人聽捕執赴官毋得斬級詔發提舉河北糴便司撥錢鈔十萬緡應副河北路轉運司秋糴瀘州都大經制夷賊公事韓存寶言乞自起發後令本道毋得使人招納夷賊雖有降者且令說諭候經制官到日指揮

從之

丙午詔樞密直學士知定州薛向赴闕仍詔向自舉代者特遣中使迎賜茶藥蓋密許向以大任而執政未知也又詔三司借明年解鹽鈔五十萬緡付陝西路都轉運司市糧草

丁未詔河北轉運司差官體量被水人戶災傷及七分處再檢視蠲其稅不及七分者並檢覆卽依法施行大理寺言澶州曹村河水溢抹岸官吏失不預請修貼隄岸其巡河欒文德當追一官勒停都大提舉苗師中都水丞王謹微權外監丞陳祐甫及知澶州韓濤等當贖銅各該赦原詔欒文德淮南編管苗帥中衝替並追兩官王謹微衝替陳祐甫降一官韓濤以應副修閉決

口聽以功贖過

己酉上批假左諫議大夫史館修撰高麗國信使安燾

假起居舍人直昭文館副使陳睦可候使還並與所假

官職三月十七日往九詔河東陝西路依京東西等路

指揮推行義倉法自今年秋料為始六月二十四日

知順州西上閣門使廉州團練使陶弼為東上閣門使

以嘗得旨順州知州先轉一官候及一年更轉一官任

滿仍升一任而弼到任已一年故也弼尋卒弼卒在十一月壬午

書並詔永興軍秦鳳路提舉折納李孝博具析違法

令民折納因依以聞又詔諸路提舉司與轉運司如

有所兌換並以錢物對行交撥諸官戶欠常平錢物第

四等以上雖經災傷毋得展限倚閣又詔諸路給散日

並自辰前以保分資次逐名給散仍於保狀用墨印請
訖字爲驗卽已約日無故輒移或託故不支並畱滯請
人經宿者當職官並徒二年 度支員外郎直龍圖閣

權知福州曾鞏判太常寺未至改知明州

十月三日改明州今附見

入內高品李穀言編排賜董戩等物乞下所屬供赴

資善堂編排從之

詔賜董戩等物以詔果莊止以敕

經制熙河路邊防財用司言被旨均定熙河岷州通

遠軍公使錢乞以轉運司歲所支四州軍公使數並撥

付本司均支外尙少錢二萬緡本司乞管認帖支數足

仍乞並罷逐州軍回易今定熙州四萬五千緡專犒設

蕃部河岷二州及通遠軍各萬二千緡內二千緡專犒

設蕃部從之

詔自今官司及官員伎術舉人等於折

博務占買鹽鈔及越次給鈔者並本務干繫人並科徒

二年罪不以赦原告者每名賞錢一百緡

王子以起居舍人集賢院學士知宣州沈括為知制誥

知潭州既而御史中丞蔡確言括反覆附會謫不踰歲

復列侍從其罰既薄而復之太速詔罷括知制誥依舊

知宣州確言在二十二日癸亥今并書時政記八月十九日載

御史中丞蔡確言陛下有焦勞惻怛之慮而羣臣未變

習常守陋之態陛下有焦勞惻怛之慮而羣臣未變

且前卻之心不忠於主而忠於所附不畏義理而畏流

俗相合為黨相尚為風當是之時不正之以法而涵容

寬假以待其自化亦何以異於呼嘯引挽而欲已瘡熟

之沈痼也如沈括之反覆附會謫不踰歲復列侍從其
罰既薄而其復若此之速詔沈括
依舊知宣州前降指揮更不施行
起居舍人龍圖閣
待制知廣州曾布知桂州
提舉市易司兼在京諸司
庫務太常丞集賢殿修撰俞充為右正言天章閣待制

知慶州王珪知上欲伐夏國故奏乞用充為邊帥使圖

之以迎合上意自固其位云邵伯溫見聞錄云元豐初

為充黨欲并逐之珪畏確蔡確排吳充罷相指王珪

宗厭薄之珪不悟確警覺之一日密問珪曰近上意

於公厚薄何如珪曰無他確曰上厭公矣珪曰奈何確

日上也珪欲收復靈武患無任責者公能任責則珪欲遣

保也珪喜謝之適江東漕張琬正俞充與琬善以書告琬

官按治珪自辯帝意問珪曰張琬正俞充與琬善以書告琬

琬上章自辯帝意問珪曰張琬正俞充與琬善以書告琬

以漏上語退朝甚憂召俞充問之充對以實珪曰某與

君俱得罪矣然有一策當除君帥環慶亟上取靈武之

章未幾充暴卒而高遵裕代之有旨以遵裕節度五路

策兵為靈武之役涇原副帥劉昌祚領本部兵先至靈

武城下以遵裕未至不敢進熙河李憲兵不至鄜延副

帥種諤獨先班師遵裕至夏熙河集決黃河水以灌我

師凍餒沈溺不戰而死者十餘萬人遵裕狼狽以遁敵

追襲之諤擁兵不救以實其說推其兵端由王珪避漏

上語之罪所致紹聖初謂珪策立哲宗有異議以為

不忠追貶實非其罪而靈武之禍實其罪也蔡確尤

大貶死新州有以其罪而靈武之禍實其罪也蔡確尤

三年三月乃罷相此云充已罷相王珪恐并被逐引確

賣資台通鑑長編卷二百九十一

試讀結束，需要全本PDF請購買 www.ertongbook.com

參政誤也俞充罷都檢正在熙甯十年十二月五日以
集賢殿修撰都提舉市易司及在京諸司庫務元豐元
年四月四日向宗儒實爲都檢正俞充八月十一日方
除待制知慶州此時俞充已不爲都檢正吳充初未罷
相又張琬以荆湖北路提舉常平坐不當越職言知荆
南張頴衡替實元豐元年正月二十日此云吳充罷相
俞充爲都檢正張琬爲江東漕皆誤也張琬當是何琬
按俞充充本傳充屢請討伐西夏元豐四年五月又上章
六月充之章蓋後此三年見聞錄所載事要不可信或珪
靈武之章蓋後此三年見聞錄所載事要不可信或珪
用充作帥其意固在迎合上旨故實錄舊傳云充旣死
西師遂大舉實自充發之但見聞錄所載因由悉差繆
耳今附見於此更俟考詳俞充後坐以何琬案發呂嘉
問事告嘉問罰銅二十斤在二年五月六日詔呂嘉問
何從知何琬案發在元年九月二日蘇轍龍川別
志元祐中蔡確坐弟碩事謫知安州作甌山公等詩意
有所譏切諫官言之未決子兄子瞻出守杭州密奏言
若置確不問則於今皇帝孝治爲未足若不稍加闊畧
則於太皇太后寬貸確爲少損竊謂皇帝宜降詔推治而
太皇太后特加寬貸確若稍知義理當齟齬舌自殺太皇
太后深以爲然兄出城特遣中使賜茶藥等大臣持確
議不置確遂南遷新州時議者以爲用法太深然確頃
自小臣擢用每遷皆以密院子偶見之問及新州事予以
可誣也孫和甫時在密院子偶見之問及新州事予以

所聞答之和甫曰固在西府親見神宗晚年以事無成
功當亡太息欲召司馬君實用之時王禹玉蔡持正並
在相位相顧失色禹王憂不知所出持正密議欲於西
邊深入敵巢穴以此議若行必不復召君實雖召將不
至自是西師入討夷夏被害死者無算新州之命則此
報也蓋自西邊用兵神宗常持淺攻之議雖一勝一負
猶不至大有殺傷至於西邊將帥習知兵事亦無肯言
深入者非禹王持正不歷外任不習邊事無敢開此議
者新州之禍當出於此按元豐四年六月末初議舉兵
入界七月五日庚寅遂降十六項指揮九月二十三日
丙午始降敕榜諭夏國似參用孫固聲罪薄伐之說也
固說見此年六月末當此時王珪獨相蔡確但為參政
明年四月二十二日癸酉確乃與珪並
相蘇轍云云當與邵伯溫云云並考

考試刑法官並中書差官經制熙河路邊防財用司

乞留同管句經制提點刑獄霍翔常在熙河更不分巡

詔翔免秦鳳等路提點刑獄其序官服色俸給仍視之

上批朝服法物庫可依郊廟祭器庫例差皇城使海

州團練使入內副都知蘇利涉文思使忠州刺史內侍

押班高居簡提點自今不隸提舉司

癸丑觀文殿大學士禮部尙書知太原府韓絳知定州
右正言直龍圖閣知桂州趙卨爲天章閣待制知太
原府初命卨知定州代薛向會絳以疾乞內徙一藩郡
乃詔與卨易地先是上以手劄問卨交人逆順之情彼
將入貢於新疆降民必有邀求應之緩急與之多寡宜
如何卨對曰賊旅拒富良渠酋悉廩集江潁勢窮力蹙
然後請命今邊釁僅平宜寢兵息民而溪峒首領欽廉
蜚戶素倚寇以徼利張皇聲勢以搖邊情輕信喜事之
徒同聲附和慮貽南顧之憂臣觀賊勢所未敢動者三
始交賊以劉紀輩爲謀主今悉補吏廣源思閬州金銀
坑冶租賦之饒盡歸封界新附溪峒自爲首領支分黨

別誠難猝合況被邊枝梧無從誘脅我旣得其外府斷
其右臂數年之間勢當自斃乾德閭穉政出多門人方
攜離自保不暇其未敢動一也交州抵舊邊寨十餘程
賊來未嘗贏糧止仰紀輩培取以贍不支半月復恣漁
奪彼民深仇之紀輩舊與省地溪峒締交倚爲鄉導乃
敢入寇今藩籬一空彼何恃而窺邊哉犯順以來不耕
者二年矣省地之民亦廢農業重以調發疾疫死亡不
可勝數就令妄意復爭疆土才過長江卽踐省地以何
鄉導因何糧食賊兵幾何自衛水陸分道兵寡氣奪此
未敢動二也交賊重斂中下之家歲輸逾百緡供官十
之四餘皆入於酋領至奪沒生財妻女以償不足邊民
怨怒昨王師攻討惟務懷來降附之眾皆依敕榜免五

年租賦羣情翕然順向苟復來誘脅孰肯從亂必未敢動三也以三不可動之勢新困傷夷而慮再干天威斯亦過矣昔狄青破儂賊卽日班師不蕩其巢穴而智高卒就禽馘況今交賊旁無與國舉皆仇怨孤危如籥隕滅可待時或議再舉上得奏罷之而赦乾德嶺表遂安南服距國遠戍兵無紀律一日有潰營歸家者兩軍高移檄州將曰士宿勞於外予休澣告一月遣還比過府高犒之呼旅長詰問皆曰久戍瘴地思家耳高曰吾母八十欲歸甯得乎立命斬之餘悉杖配他州軍器監言已裝發卹延路器甲乞下京西路轉運司指揮所厯官司及巡檢縣尉巡鋪使臣等隨地交割運置出界委知州提領監司覺察如違並奏劾其諸路所起發軍

器亦乞依此從之

御批河北屯田都監謝禹珪爲性

誕率建畫職事多無規繩前日與禹珪不協者今已替去見今聯事之人了無嫌礙宜令自今並與河北屯田司官連銜行遣毋得獨申奏其權發遣河北東路提點刑獄汪輔之更不令同管勾詔熙河路去歲一年支費錢帛令趙濟具實數以聞知諫院黃履言貢舉新敕以諸科口授舊條刪爲進士傳義之法購賞旣重證驗難明施之禮闈恐生誣罔乞再刪定從之

甲寅知制誥兼侍講黃履爲遼主生辰使皇城使雅州刺史姚兕副之太常博士周有孺爲正旦使西京左藏庫副使楊從先副之旣而經略司畱兕防秋乃以東上閣門使榮州刺史狄諮代之涇原路經略使蔡延慶